

**Gawain 13**

**ANG HULING BABAE SA BUHAY NI RIZAL**

**SEGUNDA KATIGBAK**

- ✚ Unang pag-ibig ni Rizal. Siya ay mula sa Lipa, Batangas.
- ✚ Ayon kay Rizal, siya ay pandak na may nangungusap na mata, may mapupulang pisngi, at may mapanghalinang ngiti at mapuputing ngipin.

**BINIBINING L**

- ✚ Niligawan niya noong siya ay nasa tamang edad na.
- ✚ Si Binibining L ay may lihim na katauhan, ngunit siya at nabanggit na taga-Calamba.
- ✚ Namatay ang pag-ibig dahil nasa kanya pa rin na ala-ala si Segunda.

**LEONOR VALENZUELA**

- ✚ Nasa ikalawang taon siya ng medisina sa Pamantasang Santo Tomas at kapitbahay niya sa kanyang inuupahang bahay si Leonor.
- ✚ Sa pamamagitan ng kaalaman niya sa Kemika, siya ay nanligaw kay Leonor at nagpadala ng liham ng pag-ibig na ginamitan ng tinta na hindi makikita kung hindi itatapat sa init ng kandila.
- ✚ Ang kanilang pag-iibigan ay mahiwaga ding naglaho.

**LEONOR RIVERA**

- ✚ Si Leonor ay pinsang taga-Camiling na napusuan ni Rizal noong nasa ikatlong taon siya ng Medisina.
- ✚ Si Leonor ay mag-aaral ng kolehiyo ng La Concordia, kung saan si Soledad ay nag-aaral din.
- ✚ Inilarawan ni Rizal si Leonor bilang isang babaeng magiliw, katulad ng isang bulaklak bago pa lamang namumukadkad, at may mga matang mapupungay.
- ✚ Sila ay nagging magnobyong at nagsulatan ng palihim.
- ✚ Ngunit hindi niya ito nakatuluyan, sapagkat tutol ang ina ni Leonor na maging manugang si Rizal. Kalaunan ay nakatanggap ng liham si Rizal buhat kay Leonor na nagsasaad na siya ay ikakasal na sa isang dayuhang Ingles.
- ✚ Pinaniniwalaan ng ilang manunulat na si Maria Clara sa kanyang mga nobela.

**CONSUELO ORTIGAS Y PEREZ**

- ✚ Si Consuelo ay maganda at masayahing anak ni Don Pablo Ortigas Y Perez, isang dating pinunong lungsod ng Maynila.
- ✚ Hinandugan siya ni Rizal ng tulang pinamagatang “A La Senorita C.O. y P.” na nagpapahiwatig ng saya at paghanga sa kanya.
- ✚ Ngunit bago lamang uminit ang kanilang relasyon ay tinalikuran niya ito dahil ni Leonor Rivera at sa karibal nitong si Eduardo de Lete na kasapi ng Kilusang Propaganda.

## **O-SEI-SAN**

- ✚ Si O-Sei-San ay naibigan niya na nakita niya na nagdaraan sa harapan ng Legasyon ng Espanya kung saan siya nanunuluyan. Nakilala niya ito dahil sa tulong ng hardinerong hapon.
- ✚ Si O-Sei-San ay isang malungkuting anak na dalaga ng isang samurai at ngayon lang nakaranas ng totoong pagmamahal. Parehas silang mahilig sa sining.
- ✚ Nakita ni Rizal ang mga katangian na kagandahan, kahinhinan, karikitan, at katalinuhan.
- ✚ Isa si O-Sei-San sa kanyang babaeng minahal at isinulat sa talaarawan.

## **GERTRUDE BECKETT**

- ✚ Sa pananatili niya sa London, nanatili siya sa pamilya Beckett.
- ✚ Panganay sa magkakapatid si Gertrude at tinawag na “Gertie” o “Tettie” ng kanilang mga kaibigan.
- ✚ Siya ay malusog na babae, may kulay kapeng mga mata, at rosas na pisngi.
- ✚ Sinikap niyang paligayahin si Rizal sa pamamagitan ng pagbuhos niya ng kanyang panahon at pag-aalaga.
- ✚ Ngunit katulad ng ibang babae, ito ay kanya ring iniwan sa kung ano mang dahilan.

## **NELLY BOUSTED**

- ✚ Nakilala niya si Nelly sa Biarritz sa French Riviera.
- ✚ Inilarawan niya si Nelly na tila Pilipina, matalino, masayahin, at kapitagan.
- ✚ Nagpahayag siya ng kasal kay Nelly, ngunit ayaw ng kanyang ina sapagkat magkaiba sila ng relihiyon.

## **JOSEPHINE BRACKEN**

- ✚ Si Josephine Bracken ay isang dalagang labing-walong taong gulang, balingkinitan, may kulay castanas na buhok, bughaw na mga mata, payak ang kasuotan at may masayang pananaw sa buhay.
- ✚ Siya ay ipinanganak sa Hong Kong noong ika-3 ng Oktubre, 1876.
- ✚ Labinwalong taong agwat ng edad nila ni Rizal.
- ✚ Ang kanyang mga magulang ay taga Ireland. Ang kanyang ama ay isang corporal sa garrison ng Britanya. Ang kanyang ina ay namatay nang siya ay isilang.
- ✚ Dahil sa walang paring magkakasal, sila ay nagpakasal sa pamamagitan ng panunumpa sa Diyos na sila ay magsasama bilang mag-asawa.
- ✚ Nagkaanak sila na nabuhay lamang ng tatlong oras, at inilibing ang kanyang walong buwang anak sa Dapitan.